

Visoki predstavnik Lajčák se sastao sa predsjedavajućim Predsjedništva BiH Radmanovićem



Neophodne reforme u procesu približavanja Bosne i Hercegovine Evropskoj uniji i rješenje pitanja državne imovine ključne su teme o kojima su danas u Sarajevu razgovarali visoki predstavnik Miroslav Lajčák i predsjedavajući Predsjedništva BiH Nebojša Radmanović.

Evropska unija nije zadovoljna situacijom u BiH, koju karakterišu nekonstruktivne međusobne optužbe koalicionih partnera, a ne reformski zamah, koji bi se trebao baviti suštinskim problemima ove zemlje i tako poboljšati život svih građana Bosne i Hercegovine, rekao je Lajčák.

Visoki predstavnik je naglasio da ucjene i prijetnje nisu prihvatljiv način vođenja političkih razgovora u Bosni i Hercegovina. „Svi partneri u vlasti moraju shvatiti da bez kompromisa, iskrenog dijaloga i reformi koje daju rezultate nema napretka na putu prema Evropskoj uniji.“

Osvrćući se na napade na pravosudne i druge institucije BiH, Lajčák je istakao da se političari moraju suzdržati od komentarisanja istraga koje su u toku. „Vladavina prava podrazumijeva nemiješanje vlasti i političkih stranaka u rad pravosudnih institucija i policije“, zaključio je Lajčák.